

Fundur í umhverfis- og náttúruverndarnefnd Skaftárhrepps haldinn á skrifstofu Skaftárhrepps
1. desember 2014 kl 20:00

Mættir eru: Jóna Björk Jónsdóttir formaður, Jóhannes Gissurarson varaformaður, Ágúst Leó Sveinsson ritari og Eygló Kristjánsdóttir sveitarstjóri

Dagskrá:

1. Fjárhagsáætlun

Farið er yfir áætlun 2014 og áætlun fyrir 2015 skoðuð.

Eins og er nefndin komin 800 þúsund kr. yfir áætlun. Væntanlega koma endurgreiðslur frá ríkinu vegna minka- og refaeyðingar upp á 515 þúsund kr. á þessu ári. Annað sem er farið yfir áætlun stafar að eðlilegum ástæðum eins og slætti og götusópun.

Nefndin er beðin um að athuga hvort það stefni í fleiri fundi en fjóra á næsta ári, ef það stefnir í það þá þarf að gera grein fyrir því í áætlun því annars er ekki heimild fyrir þeim fundum.

Nefndin heldur að það gæti verið auka fundur vegna sorpmála og lætur setja inn einn auka fund á áætlun.

Nefndin leggur til kaup á eitri fyrir eyðingu á kerfil og biður um auka 30 þúsund kr til kaupa á roundup eða sambærilegu eitri til að eyða kerfli í þéttbýlinu.

2. Sorpmál.

Nefndin nýtir tækifærið meðan sveitarstjóri situr fundinn og spyr hana um stöðu sorpmála í sveitafélaginu. Sveitarstjóri segir að það sé nýbúið að semja á ný við Íslenska Gámafélagið. Á stefnuskránni er að byggja nýtt gámasvæði og hús fyrir starfsemina. Nefndin vill uppfæra upplýsingabækling til íbúa um flokkun sorps því gamli bæklingurinn samsvarar ekki aðstöðunni sem er í sveitarfélaginu í dag. Mikil umræða er á meðal íbúa um að sorpmálin séu í ólestri.

Samkvæmt upplýsingum sveitarstjóra tilheyrir sorpmál í raun og veru engri nefnd innan sveitafélagsins og teljum við það ábótavant að sorpmál tilheyri engri nefnd.

Nefndin vill halda fund með áhugasömum íbúum um sorpmál, sveitastjóra, oddvita og Íslenska Gámafélaginu og reyna að koma flokkunarmálum og gámasvæðinu í lag.

Sent verður út boð til þessara aðila um að koma á fund og ræða um stöðu sorpmála fljótlega eftir jól.

Eygló yfirgefur fundinn.

3. Viðurkenningar umhverfis og náttúruverndarnefndar Skaftárhrepps

Nefndin á að veita viðurkenningar fyrir góða umhirðu til einstaklinga og/eða fyrirtækja, en mismunandi hefur verið hvernig viðurkenningunum er háttað. (Verðlaunin)

Viðurkenningarnar hafa oft verið veittar á sama tíma og íþróttá- og æskulýðsnefnd veitir sín verðlaun. Ágúst talar við formann íþróttá- og æskulýðsnefndar um að halda sameiginlega athöfn á þorláksmessu eða annan tíma.

4. Skýrsla náttúruverndarnefnda.

Jóna fór á ársfund umhverfisstofnunar um störf náttúruverndarnefnda.

Á fundinum var gert ítarlega grein fyrir hlutverki umhverfis og náttúruverndarnefnda og var það fræðandi.

Í lok hvers árs skal umhverfis og náttúruverndarnefnd hvers sveitafélags skila inn skýrslu um náttúruvernd í sveitafélaginu. Efnin sem eru tekin fyrir eru: Ástand og framkvæmdir á friðlýstum svæðum, Ástand efnistökusvæða, Ólöglegar auglýsingar utan þéttbýlis, Ólölegur akstur utan vega og umgengni í óbyggðum, Almennaréttur og útivist í sveitarfélaginu, Fræðsla á náttúruverndarsvæðum, Staða svæða á náttúruminjaskrá, Svæði sem njóta sérstakrar verndar, Upplýsingar um rannsóknir á vöktun á friðlýstum svæðum, Tillögur um friðlýsingar í sveitarfélaginu, Framandi ágengar tegundir.

Jóna hefur gert grunn að skýrslunni og samþykkir nefndin að vinna áfram í skýrslunni og senda hana sín á milli í tölvupóstssamskiptum.

Fundi slitið kl 22:00